

## **SUDSKA KRONIKA: SLUCAJ MILOSEVIC**

**Author:** [IWPR](#)

Pise: Chris Stephen iz Haga (TU 292, 2-6 decembar, 2002)

Babic je u razdoblju od 1991. do 1992. bio predsjednik separatisticke srpske enklave u Hrvatskoj, poznatije kao Republika Srpska Krajina (RSK). Medju dosadasnjim svjedocima pred Haskim tribunalom, rijec je o jednom od onih koji su obavljali najvise funkcije.

Babicevi advokati tvrde da se on opredijelio za otkrivanje vlastitog identiteta kako bi uzvratio na Miloseviceve optuzbe izrecene prilikom unakrsnog ispitivanja, te kako bi konacno "istina dospjela u javnost".

Pred sudom je opisano kako je svjedok, veljace/februara 1992., bio smijenjen nakon sto je podrzao referendum na kojem je bilo predvidjeno da Srbi prihvate mirovni plan Sajrusa Vensa (Cyrus Vance).

Nekadasnji zubar i sadasnji svjedok izjavio je kako je u pocetku i sam podrzavao Milosevicevu koncepciju po kojoj bi - nakon sto se Jugoslavija pocela raspadati - svi Srbi ipak ostali u istoj drzavi.

On je pred sudom rekao i da je tokom 1991. bio "ocaran" Milosevicevom propagandom, te da je svakako i sam zelio da Srbi ostanu u Jugoslaviji i poslije njenog raspada.

Babic je izjavio kako je tek kasnije shvatio da su "etno-centricni" principi Velike Srbije predstavljali "glavni uzrok etnickih sukoba, rata, destrukcije i bijede".

"Vi niste zastitili srpski narod - vi ste mu donijeli sramotu. A Hrvatima i Muslimanima donijeli ste nesrecu", rekao je Babic Milosevicu.

"Vi i vasa nacionalisticka politika sada pripadate proslosti, bas kao i politika Franje Tudjmana i politika koju sam u to vrijeme i ja vodio", dodao je.

Bivsi srpski predsjednik uzvratio mu je: "Borba za slobodu nikada nece postati stvar proslosti."

Tokom unakrsnog ispitivanja Milosevic je opisao Babica kao "nepouzdanog", odnosno kao tip covjeka koji "u isto vrijeme misli, govori i cini sasvim razlicite stvari".

Takodje je optuzio svjedoka da je ukrao 170.000 americkih dolara, te da je ubio oficira policije koji je radio na rasvjetljavanju tog slucaja.

Milosevic se osvrnuo i na snimke telefonskih razgovora s bivsim predsjednikom bosanskih Srba Radovanom Karadzicem, u kojima je Babica nazivao "idiotom", "obicnim smecem", "svinjom" i "Tudjmanovim adutom".

Prethodnog je tjedna spomenute snimke Milosevic nazivao "falsifikatom".

U svojim tiradama - koje je u vise navrata prekidao sudac Ricard Mej (Richard May) - Milosevic je Babica optuzio da boluje od "sizofrenog narcizma", napominjuci da je postojanje tih simptoma kod njega navodno ustanovio osobno doktor Jovan Raskovic - prethodni vodja hrvatskih Srba. Sudjenje se nastavlja.

Chris Stephen je sef ureda IWPR-a u Hagu.

**Location:** Serbia

---

**Source URL:** <https://iwpr.net/sr/global-voices/sudska-kronika-slucaj-milosevic>